

Krav om lovlegkontroll av vedtak i Osterøy Heradstyre i sak 034/21, 07.04.21

I medhald av kommunelova § 27-1 vert det fremja krav om lovlegkontroll i samband med handsaming av sak 034/21 i Osterøy heradstyre, vedtak fatta den 07.04.21.

Då saka gjekk til avrøysting, låg det att 3 ulike framlegg til vedtak. Det var framlegg frå Senterpartiet, FrP og Sv. Berre Senterpartiet sitt framlegg vart røysta over. Dette framlegget vart ikkje sett opp mot nokon i avrøystinga, og rådmannen hadde heller ikkje lagt ved noko innstilling i saka. Avrøystinga vart dermed for eller imot Sp sitt framlegg. Dei andre framlegga vart det dermed ikkje røysta over. Det vart difor aldri avklara kva framlegg som ville fått flest stemmer.

Med bakgrunn i dette vert det difor sett fram krav om lovlegkontroll i saka jamfør kommunelova §27-1.

Me bed difor Heradstyret ta saka oppatt til ny førehaving for å rette opp og sikre at avrøystinga vert riktig utført.

Dersom heradstyret ikkje tek saka oppatt til ny førehaving, vart saka å sende til departementet for vurdering av vedtaket jamfør KommuneLova §27-1, §27-2 samt §27-3.

Lonevåg 11.04.21


Kim Andre Hartveit
Osterøy FrP


Alf Terje Mortensen
Osterøy Frp


Ragnar Johan Tyssebotn
Osterøy Frp